

ARTIC. CXXII.

*Paena mariti & parentum, qui uxorem liberosque suo lenocinio aliena prostituunt libidini.*

Straff derjenigen / so ihre Eheweiber / oder Kinder / durch böses Genies willen / williglich zu unkeuschen Wercken verkauffen.

Siemand sein Eheweib / oder Kinder / um einigerley Genies willen / wie der Nahmen hat / williglich zu unehrlichen / unkeuschen und schändlichen Wercken gebrauchen läst / der ist Ehr. loß / und soll / nach Vermögen gemeiner Rechten gestrafft werden.

AD ARTIC. CXXII.

ARGUMENTUM.

*Qui maritus uxorem suam: vel qui parentes liberos suos, scelerati lucri causâ aliorum libidinibus prostituunt, infames fiunt, & secundum jus commune puniri debent.*

EXEGESIS.

**C**Rimen hoc, de quo in præsentî & sequenti articulo agitur, *Lenocinium* vocatur, Quod est delictum carnis, quò aliquis ex prostitutione uxoris, filiarum, aut aliarum quoque mulierum quæstum turpem sibi acquirit. Unde *crimen Lenocinii* est duplex: (1) *respectu propriæ uxoris & filiarum*, scilicet, cum quis propriam uxorem & filias aliorum libidinibus pro turpi quæstu prostituat. (2) *respectu aliarum personarum*, ut si quis alias meretrices, aut scorta habeat in promptu, quas pro quæstu aliorum libidinibus supponere queat. De priore casu agitur in hoc articulo.

Ut autem *Lenocinium* verum esse dicatur, requiritur: (1) *Prostitutio propriæ uxoris vel filiarum*, scilicet ut quis suam conjugem, vel etiam suas filias turpibus alterius libidinibus exponat, etiamsi semel hoc fuerit factum. Vincent, de Franchis *Decis. 68. n. 7. f. 159.* Potest autem ejusmodi prostitutio dupliciter fieri (a) *Perfusione*, ut cum maritus uxorem; aut pater filias suas blandis verbis & perfusionibus inducit, ut aliorum libidinibus se exponant, & turpes istos actus venereos cum illis exercent.